

Hälsig, Der Zauberspruch bei den Germanen
(Spamer)

S. 36

Guti weil waz, da der heilig christ selb geporn wart also müzz dir heut sein dez helf mir sant Marey, der heilig christ selb gieng von mad mit grünem graz. er trat auf einen stain. da verrancht er sein pain. do chom sich gangen gnædig mein heyligi fraw sant Marey. Si sprach traut sun mein vil lieber herre wie traurst du nu so ser. Er sprach durh not so müzz ich trauren vil gnædige fraw ich gieng von mad von grunem graz ich trat auf eynen stayn. da verrancht ich mein pain. Sy sprach amen un trit her naher paz. dez sol werden vil gut rat seit du mir daz gesagt hast ce plute pain ce. pain glit gleym dich als dich der heiligi christ geleimt hat. N. du hailst. tauf du empfiengd daz püezz dir heut sant Gleiniss und elli di chint die in hymelreich und in erdtreich geêwigt und geheiligt sint ez müezz dir als drat sein entsliffen als eins gein der erden hab gegriffen. mein heiligew fraw sant marey irem heiligen trawt chind sein pain begräif ez im entslaif sy umbfiengs ez im ze gieng also müez dir heut sein dez helf mir sant marey. in gotz namen amen.

ZfdA. XXIV, 68, No. II, 14. Jh.

Ebenso Arch. f. Religionsw. III, 358.